



„FONDACIJA ZA RAZVOJ OBRAZOVANJA“ Sarajevo
Hrasnička cesta 15, 71000 Sarajevo,
Poreski broj : 01725908 ID broj : 4200735780003
Tel.+387 33 957 130,Fax.+387 33 957 105

- UPRAVNI ODBOR -

Broj: FRO-11/02-2020/10

Datum: 11.02.2020. godine

Na osnovu člana 24. Zakona o udruženjima i fondacijama ("Službene novine Federacije Bosne i Hercegovine", broj 45/02), Upravni odbor Fondacije za razvoj obrazovanja, donosi sljedeći

PRAVILNIK

O DODJELI STIPENDIJA STUDENTIMA PRVOG CIKLUSA STUDIJA NA INTERNACIONALNOM UNIVERZITETU U SARAJEVU

Član 1.

Predmet

Ovim Pravilnikom uređuje se dodjela stipendija studentima prvog ciklusa studija na IUS-u od strane Fondacije za razvoj obrazovanja Sarajevo, prava i obaveze stipendiranog studenta, kao i izmjena i gubitak stipendije.

Član 2.

Cilj

Stipendiranjem studenata IUS-a, Fondacija za razvoj obrazovanja Sarajevo podržava upis studenata na IUS, podstiče kontinuiran rad i uspjeh studenata, te pruža podršku studentima slabijeg imovinskog stanja, sve u cilju akademskog razvoja i poboljšanja kvaliteta obrazovanja na IUS-u.

Član 3.

Pojmovi i definicije: Riječi i pojmovi koji se koriste u ovom Pravilniku imaju sljedeće značenje:

- a. **Osnivač:** Fondacija za razvoj obrazovanja Sarajevo;
- b. **Predsjednik:** Predsjednik Fondacije za razvoj obrazovanja;
- c. **Upravni odbor:** Upravni odbor Internacionalnog univerziteta u Sarajevu;
- d. **Rektor:** Rektor Internacionalnog univerziteta u Sarajevu;
- e. **Stipendija:** Popust na iznos školarine za jednu akademsku godinu;
- f. **Univerzitet:** Internacionalni univerzitet u Sarajevu (dalje: IUS);
- g. **Propisani period studija za koji se dodjeljuje stipendija:** Studentima koji pohađaju jedan od fakulteta/studijskih programa na IUS-u dodjeljuju se stipendije na period od 4 + 1 godinu studija. Samo puna stipendija se dodjeljuje polaznicima Škole engleskog jezika. Period za koji se



„FONDACIJA ZA RAZVOJ OBRAZOVANJA“ Sarajevo
Hrasnička cesta 15, 71000 Sarajevo,
Poreski broj : 01725908 ID broj : 4200735780003
Tel.+387 33 957 130,Fax.+387 33 957 105

- dodjeljuje puna stipendija jeste jedna godina za Školu engleskog jezika i (4 + 1) godina za pohađanje studijskog programa;
- h. **Stipendista:** Student IUS-a kome je dodijeljena stipendija;
 - i. **Puna stipendija:** Stipendija koja pokriva troškove školovanja i koji uključuju puni iznos školarine za Školu engleskog jezika za period od jedne godine, te puni iznos školarine za pohađanje studijskog programa na fakultetu tokom propisanog perioda trajanja studija (4 + 1 godina);
 - j. **Semestralni prosjek ocjena:** Prosjek ocjena koji se računa na kraju svakog semestra. Skraćenica za prosjek ocjena je GPA i računa se na skali od 0.00 do 4.00 (maksimalni GPA je 4.00).
 - k. **Ukupni prosjek ocjena:** Ukupni prosjek ocjena koji je student ostvario računajući od početka studija na predmetnom ciklusu studija. Skraćenica za ukupni prosjek ocjena je CGPA i računa se na skali od 0.00 do 4.00 (maksimalni CGPA je 4.00).
 - l. **Zakonski propisan rok studija:** Student koji ima obavezu pribaviti dozvolu za privremeni boravak u Bosni i Hercegovini u svrhu studiranja ima obavezu kontinuirano napredovati tokom svog studija. Studentu koji ne uspije upisati narednu godinu studija u roku od dvije kalendarske godine i studentu koji boravi u Bosni i Hercegovini po osnovu studiranja duže od šest godina neće se odobriti privremeni boravak u Bosni i Hercegovini u svrhu studiranja.

Član 4.

Vrste stipendija:

- a. **Stipendija po osnovu testiranja:** Stipendija koja se dodjeljuje po osnovu rezultata testiranja studentima državljanima Bosne i Hercegovine.
- b. **OSYM stipendija (Centar za izbor i raspoređivanje studenata Republike Turske):** Stipendija koja se dodjeljuje u obliku popusta, podrške i podsticaja na osnovu postignutih rezultata studentu koji zadovolji određene kriterije za stipendiju na fakultetu/odsjeku/programu svrstanom u OSYM Pravilniku za visoko obrazovanje.
- c. **Kvalifikacijska stipendija:** Stipendija koja se dodjeljuje studentu koji je na prijemnom ispitu ÖSYM u Republici Turskoj kvalifikovan među prvih 10.000 (na ispitu iz stranog jezika među prvih 5.000), i koji ostvaruje pravo na stipendiju od 100 %.
- d. **Humanitarna stipendija:** Stipendija koja se dodjeljuje studentu koji za vrijeme studija izgubi svog užeg člana porodice, bankrotira ili usljed prirodne nepogode ili sličnih razloga zapadne u finansijske probleme. U takvoj situaciji student je obavezan Rektoratu dostaviti molbu i dokumentaciju sa dokazom nastalih okolnosti.
- e. **Stipendija za istaknute sportiste, umjetnike i nadarene studente:** Stipendija koje se dodjeljuje u cilju doprinosa razvoju sporta i umjetnosti u našoj zemlji i regiji u vidu podrške studentu koji se pokazao uspješnim na polju umjetnosti i sporta.



„FONDACIJA ZA RAZVOJ OBRAZOVANJA“ Sarajevo
Hrasnička cesta 15, 71000 Sarajevo,
Poreski broj : 01725908 ID broj : 4200735780003
Tel.+387 33 957 130,Fax.+387 33 957 105

- f. **Stipendija za brata/sestru:** Stipendija koja se dodjeljuje u vidu popusta od 10 % za brata/sestru studenta koji studira na IUS-u (u kojim situacijama oba studenta dobivaju popust od po 10 %, a ako bilo ko od njih ima stipendiju po drugom osnovu, na postojeći procenat stipendije dodaje se dodatnih 10 %). Ova stipendija dodjeljuje se samo studentima koji imaju ostvarenu stipendiju manju od 50 % (npr. ako je student ostvario stipendiju od 45 % po osnovu testiranja, može mu se dodijeliti još dodatnih 5 % po osnovu stipendije za brata/sestru). U okviru IUS-a, ova stipendija se dodjeljuje ukoliko su oba studenta na prvom ciklusu studija na IUS-u, pri čemu se ista može dodijeliti i ukoliko student IUS-a ima brata/sestru učenika u drugim ustanovama u vlasništvu Osnivača, sa izuzetkom KidIUS-a.
- g. **Stipendija za članove porodice uposlenika:** Stipendija koja se dodjeljuje u vidu popusta od 50 % studentu koji se nalazi u prvom stepenu srodstva sa administrativnim ili akademskim uposlenikom IUS-a ili neke od ustanova Osnivača. U slučaju da uposlenik napusti IUS ili neku od ustanova Osnivača, o pravo na nastavak stipendije odlučuje Predsjednik Osnivača.

Sve vrste gore navednih školarina odobrava Osnivač nakon dostavljenog prijedloga rektora.

Član 5.

Uvjeti koje mora ispunjavati stipendirani student u Školi engleskog jezika su:

- a. Student kojem je dodijeljena puna stipendija iz člana 4. obavezan je u roku od jedne akademske godine (od dana upisa) sa uspješnom ocjenom položiti završni (stručni) ispit iz engleskog jezika, i ostvariti pravo na nastavak školovanja na prvom ciklusu studija. Student koji na ovakav način sa punom stipendijom upiše prvi ciklus studija i poslije drugog semestra nastavi održavati minimalni ukupni prosjek ocijena (CGPA) od 3.00/4.00, zadržava punu stipendiju tokom propisanog vremena studija za koji mu je dodijeljena stipendija.
- b. Ukoliko student ne položi završni (stručni) ispit iz engleskog jezika u toku prve godine studija, snizit će mu se iznos stipendije za Školu engleskog jezika na 75 % u sljedećoj godini studija. Student kojem je smanjena stipendija na 75 % ima pravo nastaviti da pohađa Školu engleskog jezika u drugoj godini studija pod uvjetom da plaća 25 % iznosa školarine za svaki termin u kojemu pohađa nepoloženi nivo Škole engleskog jezika.
- c. Student koji se u Školu engleskog jezika upisao sa punom stipendijom, i koji na kraju druge godine studija uspješno položio završni (stručni) ispit iz engleskog jezika ima pravo nastaviti školovanje sa punom stipendijom tokom propisanog vremena studija za koji mu je dodijeljena stipendija u skladu sa ovim Pravilnikom.
- d. Student kojemu je dodijeljena stipendiju ili bilo koji oblik subvencije, dužan je položiti Završni ispit iz engleskog jezika najkasnije u roku od dvije akademske godine, u suprotnom oduzima mu se pravo nastavka pohađanja Škole engleskog jezika.

Studentu se iznost stipendije može umanjiti ukoliko student ne ispunjava uvjete iz člana 7. i 8. ovog Pravilnika.



„FONDACIJA ZA RAZVOJ OBRAZOVANJA“ Sarajevo
Hrasnička cesta 15, 71000 Sarajevo,
Poreski broj : 01725908 ID broj : 4200735780003
Tel.+387 33 957 130,Fax.+387 33 957 105

Član 6.

Uvjeti koje moraju ispunjavati stipendirani studenti na prvom ciklusu studija:

- a. Izuzev studenta kojemu je dodijeljena puna stipendija, student zadržava dodijeljeni iznos stipendije tokom propisanog perioda studiranja za koji je ista dodijeljena neovisno o prosjeku ocijena i uspjehu. Studenta kojemu je dodijeljena puna stipendija ima obavezu kontinuirano održavati minimalni ukupni prosjek ocjena (CGPA) od 3.00/4.00 počevši od kraja drugog semestra. Student koji ne ostvari minimalan ukupni prosjek ocjena od 3.00/4.00, obavezan je plaćati 25 % od iznosa školarine tokom preostalog propisanog perioda studija za koji mu je dodijeljena stipendija.
- b. Stipendirani student koji ne završi studij u nominalnom trajanju od 4 godine studija, ima pravo koristiti dodijeljenu stipendiju za još jednu godinu. Ukoliko student ne završi studij niti u propisanom roku od (4+1 godina), Fondacija određuje iznos stipendije za nastavak školovanja i dodjeljuje određeni popust za studente koji se upisuju u 11. semestar.

Član 7.

Obaveze stipendiranog studenta:

- a. Redovno prisustvovati i aktivno učestvovati u nastavi;
- b. Pridržavati se disciplinskih i ostalih pravilnika i pravila IUS-a;
- c. Imati na umu da predstavlja IUS te paziti na svoje svakodnevno ponašanje;
- d. Ispunjavati uvjete propisane za održavanje stipendije;
- e. Ukoliko IUS zatraži, korisnik pune stipendije obavezan je do 10 sati sedmično bez novčane naknade pomagati u administrativnim ili akademskim aktivnostima Univerziteta, dok je korisnik druge vrste stipendije dužan pomagati osoblju Univerziteta do 5 sati sedmično;
- f. Održavati dobre odnose sa ostalim studentima i primjerno se ponašati;
- g. Svojim načinom života i navikama biti primjer ostalim studentima;
- h. Djelovati u skladu sa vizijom i vrijednostima IUS-a;
- i. Savladati osnovni nivo turskog ili bosanskog jezika koji se nude kao izborni predmeti tokom studiranja;
- j. Pratiti obavještenja Osnivača Univerziteta i uredno izvršavati dodijeljene zadatke;
- k. Polagati ispite određene od strane Osnivača Univerziteta i prisustvovati sastancima organizovanim od strane istih;
- l. Pristupiti analizi krvi/urina u cilju ispitivanja pozitivnosti prisustva droge ili drugih psihoaktivnih substanci.



„FONDACIJA ZA RAZVOJ OBRAZOVANJA“ Sarajevo
Hrasnička cesta 15, 71000 Sarajevo,
Poreski broj : 01725908 ID broj : 4200735780003
Tel.+387 33 957 130,Fax.+387 33 957 105

Član 8.

U sljedećim situacijama se studentu ukida stipendija:

- a. Ako student ne poštuje pravila, smjernice, akademska načela i etički kodeks IUS-a i Osnivača, ne ispunjava obaveze navedene u članu 7 ovog Pravilnika ili ometa rad IUS-a na poboljšanju kvaliteta obrazovanja;
- b. Ako student sam ili kao dio grupe učestvuje u terorističkim ili kriminalnim aktivnostima unutar univerzitetskog kampusa ili izvan njega, ne poštuje slobodu obrazovanja, djeluje protiv države ili institucije (otpor, bojkot, okupacija, pisanje provokativnih izjava i slogana, postavljanje neprimjerenih slika na internetu i društvenim mrežama), bez obzira da li navedene radnje obavlja djelimično ili potpuno; ako suprotno zakonu posjeduje vatreno oružje, eksplozivna sredstva ili druge zapaljive tvari, noževe, skalpele i druge oštre predmete, naprave za omamljivanje i ostale predmete koji se koriste prilikom napada i odbrane;
- c. Ako je studentu izrečena disciplinska mjera;
- d. Ukoliko student izgubi status studenta po bilo kom osnovu;
- e. Ukoliko se utvrdi da student koristi ili vrši kupoprodaju opojnih sredstava ili da se bavi hazardnim igrama ili podstiče druge na iste, ili pak bude zatečen u alkoholiziranom stanju.

Nakon što utvrdi da su ispunjeni uslovi, Odluku o ukidanju stipendije donosi Predsjednik Osnivača nakon dostavljenog prijedloga Rektora.

Član 9.

Promjena fakulteta/studijskog programa:

Dodijeljena stipendija u pravilu važi samo za izabrani studijski program.

Ukoliko student podnese zahtjev za promjenu studijskog programa, isti zahtjev se razmatra u skladu sa općim aktima IUS-a koji regulišu promjenu studijskog programa, a o pitanju vezanom za nastavak stipendije odlučuje Predsjednik Osnivača nakon dostavljenog prijedloga Rektora.

Član 10.

Trajanje stipendije:

Studentu kojem stipendija nije ukinuta iz prethodno navedenih razloga ima pravo koristiti dodijeljenu stipendiju tokom perioda nominalnog trajanja studija uz još jednu dodatnu godinu (4+1 godina studija).

Član 11.

Rektor Internacionalnog univerziteta u Sarajevu zadužuje se za sprovođenje ovog Pravilnika.



„FONDACIJA ZA RAZVOJ OBRAZOVANJA“ Sarajevo
Hrasnička cesta 15, 71000 Sarajevo,
Poreski broj : 01725908 ID broj : 4200735780003
Tel.+387 33 957 130,Fax.+387 33 957 105

Član 12.

Prijelazne i završne odredbe

Ovaj Pravilnik važi za sve studente kojima je dodijeljena stipendija od dana stupanja na snagu.

Član 13.

Ovaj Pravilnik stupa na snagu danom potpisivanja, od kada prethodni Pravilnik (broj FRO-12/05-2017/75 i FRO-23/04-2019/65) prestaje da važi.

Predsjednik Upravnog odbora Fondacije



Hasan Topalović

Dostavljeno:

1 x Oglasna ploča IUS

1 x a/a